

仙屏書屋初集

仙屏書屋初集詩錄卷之三

宜黃 黃爵滋樹齋著

百花洲

百花湖畔百花明
花氣冥冥湖氣清
湖雨湖煙春漲漫
花開花落碧山橫
蛛絲冒檻纏絲結
虹影迴波曲折生
歲歲舊遊攀折地
曉風楊柳最牽情

春日卽事

節過清明將穀雨
風光最好是山家
梨花萬點溪頭雪
荆樹三重屋角霞
紫燕呢喃尋故壘
烏犍滑澗試新杷

早炊忙煞鄰人婦夫壻今朝去買茶

寧都道中

嶺雲蒸蒸如爨煙溪雷殷殷飛怒泉怪石犖确猛獸伏
枯松杈枒神虬眠樵夫躡捷殊自樂客子畏縮不敢前
山花獻媚勸客醉醉眼看山山入天

盧穆峰吟贈環翠樓主人

二廬仙去鴻不歸靈山萬古仙雲飛仙雲影影如蓋大
仙風泠泠吹入破主人愛泉泉水寒主人愛石石可餐
環翠樓頭翠千尺倒入深盃酒花碧洞中雞犬雲中鳴

落花細雨春冥冥

梅江舟中望金精十二峰歌

奇石四十里洞天三千年浴湖仙去湖水寒落花寂寂
風雨殘枯松倒鶴藤挂猿峰頂白雲峰腰泉九子魂魄
縈其顛天風夜夜號伏虎雷神劈空震天鼓木鶴孤翎
側漢飛蓮花萬朵凌波吐奈何呼石石已頑飄零空有
雲中椽我欲從之招散仙仙乎一去無主人

梅嶺

買櫂沿貢水南行逆章流一宿東山下遂登臺嶺頭昔

賢此駐馬勲業恢王猷雄關控海嶠隘道通蠻陬千人
蟻盤入萬足魚貫投古松蔽赤日清風良可休試飲六
祖泉冷然心肺秋

登韶州九成臺

狄咸去矣東坡死臺上夕陽臺下水誰能飛入九智裏
西叫蒼梧之聖君東謁尼山之夫子俯首百攢頌天人
異代君臣同一揆元音淪落知音亡大雅不作吾道傷
黃鍾毀碎瓦缶鳴燕雀啁啾嘲鳳凰我登斯臺鬱懷古
九京不起誰其語願奉鈞天奏玉皇一洗淫哇清八荒

呈觀察夏森圃前輩

惟

帝恤兵民倉儲關上理包貢停珍錯正供賴彊以瑞穗
降楚庭

皇仁久漸靡當時劉王廩區區安足比此邦多異產豪
賈競爲侈手可碎珊瑚目不識耒耜誰將萬田花化作
千堆米復古資儒肯觀民仰大吏莘田今繼蹤英聲播
海浹清剛無媚骨密固有直體政暇文譙開亦復訓壺
矢高閣敞嘉樹對山白雲山名起悠然霖雨心徧將六合

灑

紅雲詞二首

荔支灣頭荔支熟紅雲齊墮珠海曲珠孃駕得珠海樓
紅雲齊擁玻璃窗紅雲狼藉不足惜且盡主人紅玉觥
夕陽閃閃翻雅翅恁恁已被紅雲醉傾盃化作彩橋灯
潮水別人還向東

潮水東流去復回明月昨歸今又來嫦娥夢墮荔江水
妬殺江頭碧衣子纖纖玉手披絳紗瓊漿膩頰香沁牙
莫問紅雲昔時宴明朝怕訪素馨斜

唐荔園二首

昔時寂寞昌華院今日陰森唐荔園
贏得藍紅與江綠故應劉鵬讓曹墩

簞後新移珠浦棹西園景物任逍遙
唐家紅騎劉家宴一種興亡付海潮

肇荔亭二首

主人愛荔兼愛詩詩成啖客延絳妃
我同看竹不相問權向海雲深處歸

碧玉彎環水木鄉競傳肇荔好風光
政宜食少論滋味

莫恃瓜魚解熱湯

食荔支熱以鹹魚
苦瓜煮汁解之

峽山寺

千山真斗絕一寺儼飛來
雨勢峽中急泉聲天外哀
猿歸何處洞魚上幾時臺
漫把禹君袂扁舟重溯洄

觀音巖

船溯浪陽之上游峰奇石詭堆舵樓觀音潭水不可測
窟宅隱隱橫蛟虬嵯峩青壁一千丈嵌空石腹深且幽
然岸徑入百怪避竚窳直欲窮冥搜仰攀闌檻俯躡磴
有似枯木緣獼猴裘裒開室乍若暝豁然天地來雙眸

嚮者經過曾不識到此頑石爭昂頭鐵瓮迴穿戶眼突
鐘乳倒挂檐角鉤蓮花石上老佛笑摩盪元氣爲我舟
羣山拱向儼合什香煙一氣凌女牛胸中邱壑不勦懣
吁嗟智藥西域僧知吾不

過挂角寺謁張文獻公祠

十笏維摩刹千秋相國祠嶺雲人駐馬關路客摩碑昔
我南樓望空懷明月思淒涼斜照影遠送曲江湄

梅關行

垂髫女作賣菜傭裹頭婦作戴笠翁戴笠關頭日卓午

雙雙不辨誰雌雄男何不耕廣陌上女何不織深閨中
關路短兮夏徂暑關路長兮風及雨男關上兮女關下
力倔強兮心悽楚朝肩而糜兮夕肩而糧赤腳踏泥兮
頭蓬面黃願爲牛馬兮勿爲狐狼吁嗟行路兮中心傷

舟泊樟樹鎮

赣波浩蕩注洪州戰蹟荒涼古樹秋嶺月帶星沈戍埃
峽雲飛雨入漁舟市聲乍散人煙外鏡影遙明野渡頭
聞說魚龍今退避江鄉禾稻可全收

贈別盧籟亭

梧桐井上秋涼初生來訪我仙石廬生不能飲我自醉
縱譚文藝評密疎世間萬事煙雲如秋花簌簌春花徂
淚珠乃爲兒女枯黃泉靈白髮滴盡杜鵑血雖云心骨
酸莫使肝膽裂人生百齡能幾何歡娛日少憂患多男
兒三才不快意忍令堂堂歲月成蹉跎作歌送生歸鶴
山山頭明月愁照顏懸知寶劍有奇氣夜夜鐙前拂拭
看

雪後過嚴灘

七里灘前路銀峰夾鏡流風噓千樹勁浪折一溪柔魚

躡冰厓裏雞鳴石澗頭天寒何處泊落日釣臺幽

舟次三岔河登寺塙春望

揚舡瓜步水維樞菜蕘灣登高覽廣野江淮如帶環春
色媚晴雲演漾衣袂間馬橫蜀岡道鶴飲中冷山田園
雜漁屋煙水藏市闌

兩聖昔巡幸垂問閭閻艱民情樂以戴商力紓且嫻風
隨

鳳蓋轉兩被

龍舟還眼前桑麻色

天上宵旰顏慎哉陳詩者勿蔽黔黎瘼

宿遷道中

荒雞喔喔報晨更河北江南夢裏程一自上元鐙罷後
只留春月照人行

由宿遷至銅山道中雜詩三首

長隄一萬丈弱柳三千株黃沙息揚簸綠煙浮虛無春
風蕩晴旭光浸駱馬湖忽將殘夢去飛墮天南隅
客從江南來問道歷邳宿地雖隸揚州頗不宜稻穀渺
渺河隄側聚梗不聚粟鴻飛向冥冥瞻烏集誰屋

河流解春冰齋淪與天平勢欲撼東海直挾江淮行千
邨入低亞兩隄夾高橫自從失故道往往嗟襄陵昔聞
半戈山驟漲傾邨城城中失雞犬洵作魚龍聲謝黃聳
廟祀豐碑垂經營人事苟不慎神力安所憑

燕歌行二首

春風駘宕融冰漸珠盤玉箸銀鱗肥纖纖素手調金絲
忽然對鏡顰雙眉拋絃掩袂空淚垂蕩子天涯去不歸
朝朝望君寒繡帷綠楊滿路桃花飛

妾身何有鴛鴦襦無端嫁與短褐夫夫婿不憐冰雪膚

風塵淪落淚海枯容華幾何日月徂東鄰少婦娥眉紆
如花玉貌嬌茹蔗良人執戟官金吾夜夜香籠熏佩魚
窗前明月光如珠

古詩八首

世人重黃金吾儕貴白玉白玉須待賈肯卞和足賢
者審所處渾然守大璞光采縱弗耀汚泥豈能辱
我有嶧山桐斲成清廟器但恐大古音難爲聽者媚松
風萬壑迴天籟豈能悶鐘生偶逢耳伯牙自高藝

槐榆與橘柚在物稱弟兄質異氣則合何必同根生松

柏蟠大壑轉使草不榮詎無雨露恩卑遠何由承
飛絮乘狂颿攪亂不可撥須臾宛塗泥形影已滅沒修
篁障酷暑叢桂傲霜雪遐哉古君子林木植名節

雞鶩憫鳳凰招之使其食鳳凰不肯顧翩然奮遐翼雞
鶩飽自矜鳳凰饑亦適性情固殊尤高下非所域

董公旣辟穀誅茆匡廬間種杏千萬樹結實彌空山卻
笑西母桃一熟須千年藉非東方朔焉能分厥餐

仙人駕青鸞真形鍊五岳藏之衣帶間百怪不敢作空
潭藏毒龍幽暗恣睚曜安得鸚鵡膏淬爾芙蓉鐸

子晉愛吹笙棄養背庭闈令威善控鶴不惜人民非朝
遊東海嶽夕駕崑崙池神仙亦勞勞吾生安息機

贈別余芝衫

秋風起庭樹涼蟬聲愈繁遊子命駕車摧促返故山故
山何所事蒔爾三年蘭幽芳媚空谷可佩亦可餐持贈
素心友寶貴何可言浮雲我與爾離合無定端此別見
何日常恐彫朱顏碧筒儻可掇勿廢盈觴歡

贈李牧臣歸南豐

昔遊敷淺原始得交李侯高歌裂雲石痛飲傾糟卮長

何月書
九
繩不可繫逝水悲東流李侯未五十鬢雪先盈頭羊羔
意不愜蛙鱔良可謀歸與入華子紅泉色不秋在山與
出山此理誰能求

贈郭羽可南旋竝寄余東才

交遊十年間寶獲兩奇士一隱鱸湖濱一居恩江浹鱸
湖何淵淵恩江何瀾瀾涼風起秋塞吹冷桑乾水南魚
信既稀北鴈歸亦駛匡君余故人堅臥白雲裏朝弄滌
布奇夕戲海絲詭昨夢見五老凝然啓笑齒鯨鐘忽在
枕下牀月如洗行藏竟何如棖觸思君子

贈郭羽可

涪翁罷漁釣嘗爲大鑿丞四難苟弗處一鍼差足憑君
本郭泰流而兼郭玉能盡心到斯養仁愛殊不矜頓悟
擅敏捷識付關精誠假君鑿國手瘡癢能勿平五行犯
厥疹六氣乖乃癥束手昧成方輸君眼獨明巖在辛壬
間大痲苦天札蘇耽有橘井杯水多全活考鑿貴十全
古義今誰述一囊貯太和儒生頗屑屑咽塞容能起啼
泣吏終徂孕成無藥死命數難獨邁仁者所用心要回
天地枯瞑眩疾則瘳此理焉可誣

一 歲暮雜感六首

荒雞輟夜響，峭風忽厲號。披衣起獨坐，耳畔盈調刁。青
鐙炯虛幌，百感從之搖。奮雨各湖海，寤想憂心忉。臣朔
饑欲死，范叔寒無袍。古人尚乃爾，來者何嗷嗷。寒簾矚
檐際，灼灼晨星高。

晨起登高臺，極目覽廣野。古墓何蕭條，飛霜殺楸櫟。客
言彼有知，涕泗九泉下。詎知當生年，已自如夢也。鄧禹
儻笑人，視我何如者。

隆冬易嚴威，寒土挾微燥。滕六溺其職，龍公失相召。淅

恐陽氣洩竟被羣陰盜昨得故人書俾我增惻悼側知
中澤鴻哀啓屢無告安居迫轉徙劬勞困河漕鑿國會
有人吾自理吾操

地用莫如馬天用莫如龍西師緬雲集普爾傾山銅冰
嶺艱轉輸駝馬不得通驅人如驅畜饑彼源源俱願陳
王會圖計日看挂弓我糜大倉粟翰墨何勲庸

大儒立天地發言流心聲理夷出極險語鑿涵至精千
古昌黎伯日月懸光晶奈何俊貌襲謂可參飛騰愧非
雲與龍焉能隨降升我自立法好古師其誠不見歲

寒木異幹同青青

詩心滿天地甘苦當語誰
我有焦尾桐輒復調冰絲
石細路自古焉必逢子期
知音愜然至有酒斟酌之
不覺宇宙間陶然浹吾思
相對已忘言明月還來窺

仙屏書屋初集詩錄卷之四

宜黃 黃爵滋樹齋著

讀漢魏六朝人文集詩一百首

賈長沙

六經垂治法長沙挾其旨
訊原傷係羈問服審逝止
雖復短列侯終然屈天子

司馬文園

長卿筆凌雲大旨入風諫
天子能友之適以狗監見
當世多公卿斯才胡不薦

董膠西

董生治春秋實抉陰陽窳尊孔黜百家厥功亦云劬咄哉主父羣衆口紛排媚

東方大中

四十四萬言臣朔少已誦浮沈智者徒正譎乃互用君看上林疏實抱斯民痛

王諫議

聖主得賢臣褒也稱善頌無疆以爲期勤求以爲諷如
何漢宮人祇解洞簫誦

劉中壘

更生作九歎忠貞屈原偶元成漢祚衰法戒豈能受精
誠校尚書徒感然藜叟

揚侍郎

俳優斥靡詞覃思大元理煌煌卅五箴用法亦同旨惜
哉美新文不作乃可耳

劉子駿

子駿讀父書五行闡天紀是非衷聖經立左功亦偉言
與行願違國師竟如此

馮曲陽

新莽下士時敬通義不事守道託丹永立功報漢帝遐
哉顯志篇自賦還自厲

班蘭臺

東漢領著作第一推蘭臺奏記薦六子有光東閣開惜
哉寶將軍負爾銘山才

崔亭伯

嘉頌結天子清誠抑權門憲府三十椽白衣誰能羣瑗
瑗瑗與寔世禪雕龍文

張河間

衡也觀太學遂能通五經制作侔造化子玉非夸稱詭
對卒受讒忠元空復情

李蘭臺

安得力士力巖幕翻日車惜陰崇著述老筆生光華同
輩多才學遺佚良可嗟

馬季長

漢代重經術季長稱拔萃讚笛因天姿閱躬易斯義弟
慙北海元師負南山擊

荀侍中

漢紀三十篇傳體傲育左平生志獻替論辨實多可王
道仁義耳千秋鑒不墮

蔡中郎

伯喈感知音焦尾登廟廊所遇非其主名材終見傷化
儻惜才女胡笳聲悲涼

王叔師

父子馳文苑佳哉王叔師立義託五經誰能通楚辭延
壽遂玉折青細誠可悲

孔少府

坐上客常滿，尊中酒不空。
寬容亦徒爾，剛直竟隕躬。
高情動義槩，詎獨文章雄。

諸葛丞相

武侯十萬言，公誠括其旨。
此真王佐才，管樂烏足比。
功蓋三分國，盡瘁乃可死。

魏武帝

作書解孔融，或云出路粹。
琨玉苟不毀，慷慨焉能遂。
泰令慈孝兒，胡不誦述志。

魏文帝

三表不獲命乃被璽綬隆未聞堯舜禪
作山陽公文
章費金帛猶能知孔融

陳思王

分晉實趙魏取齊非呂宗陳情向魏
鬪涕淚揮朔風材
高造物忘骨肉安能容

陳記室

記室草檄成阿瞞頭風愈神武頌東征
下筆若飛羽可
思爲袁公詆曹及父祖

孫馮翊

枕流欲洗耳漱石欲厲齒雄心不可沈傲骨焉能翫誰
能目君才惟一王武子

擊太常

椽筆定禮儀奧論窮文章晉才號通博無如擊太常流
離郭杜間竟絕南山糧

東廣微

元城始爲文頗遭時世薄佳譽一旦馳晉庭重博學三
日曲水對擊生不能作

夏侯常侍

安仁諫孝若生死交情見接茵盛容光連璧復中斷文
章炯孝悌千秋庶不畔

潘黃門

謚友二十四黃門遂稱首白頭赴東市傷哉負阿母遺
文賈陸儔才藻世希有

傅中丞

疾惡傅長虞剛簡有大節豈惟厲百官亦以箴王闕綺
麗不足珍自有驚人筆

潘太常

箴懸乘輿鑒論立人道綱履危獨居正覆餗能隄防逸
驥騰夷路斯語慙河陽

陸平原

才藻旣瞻逸詞鋒復英銳傷哉文陣雄厄彼道家忌急
雪風怒號華亭空鶴唳

陸清河

清河與兄書往復窮譚藝相接貴清新益損一二字九
原復相從故吏空流涕

成公子安

子安殊浚泊聰敏涉古今天庭竝受詔司空稱同音清
翹振喬木逸韻流祥禽

張孟陽

我我劍閣銘勒石垂鍼砭起家著作郎延譽洵無忝豈
惟舍人才實徵司隸鑒

張景陽

流波戀舊浦行雲思故山安平好兄弟名業善自完季
陽亦人傑陸耽良可歎

劉越石

晉陽迫重圍登樓發清嘯
雄豪不世出文詠復佳妙
鞭長不及腹佩刀喪光曜

郭宏農

景純襲文雅才藻冠中興
胡不借嚴翟攜手辭塵冥
瀟驅赤岸賦火焚青囊經

王右軍

敗喪誠殷浩凋困陳謝安
一朝晉墓去山水供盤桓
懽譙洽親知何如許叔元

王大令

王氏父子文多以佳帖傳風流壓江左大令何翩翩所
以人琴忘喆兄尤潛然

孫廷尉

蘭亭觴曲水翰墨陵右軍一吟復一詠北面朝許詢齋
前老樹子奇氣常嶙峋

陶彭澤

在官八十日遂賦歸去來就園種蔬菊此外皆塵埃編
詩附三百西山知言哉

何衡陽

宋文定干戈承天領著作鳳凰將九雛苞采每炫爍既
定執經儀尤懋威戎略

傅光祿

著論規括囊率以名位傾回首神虎門百兩已無聲飛
蛾赴朗燭永念徒拊膺

謝康樂

內史去臨川旋赴廣州市頗疑韓亡篇實謬山居志寂
寞緇經臺淒涼白水寺

顏光祿

靈運不得死延年以令終舉觴誅彭澤沈醉歌阮公竣
也高第宅蓬巷仍秋風

鮑參軍

但願樽中酒莫惜牀頭錢奉君玉恆琴歌君行路難長
風下崑鶴清響悲人寰

袁陽源

投驅殉國難炳著陽源烈文采稱遭豔英毅時發越霜
雨多異同松筠自有節

謝法曹

西堂發佳夢阿連洵無雙
白玉空守貞茲語殊不祥
安得酌桂酒爲君歌未央

謝光祿

揆才廣賢路此議竟不行
一賦壓袁叔未足誇平生
文章四百卷流傳惜未宏

竟陵王

行水躬佛事或失宰相體
菩提種善根一卷淨住子
蒼天不憖遺柱石竟何尙

王文憲

齊臺佐命功，褚王竝奮跡。
博議通古今，仲寶實作則。
風流江左相，終愧謝安石。

王寧朔

元長暨文穎，傾心惟竟陵。
淨行獻諸頌，相期超沈冥。
如何公誤我，憂懼徒交并。

謝宣城

寥廓失高舉，終被罾罟牽。
琅琅篋中句，搔首難問天。
懷人千載後，臨風李謫仙。

張長史

鼎鑊置目前方作洛生詠平生擅風調往往發至性比
德玉無瑕上善海不競

孔詹事

德璋好文詠情趣同張融移文勒草堂雲壑騰秋風想
見獨酌時鼓吹橫西東

梁昭明

讀書三萬卷斐然文學才前星遽隕曜道路銜餘哀千
秋選樓上寂寞凝梁埃

梁簡文帝

六齡屬麗辭七歲擅詩癖宮體盛流播輕華輒自斥仁
孝推喆兄能頌十四德

梁元帝

眇僧託王宮乘時輒當璧天未悔梁禍冰淵失兢惕三
世涅槃經序論究何益

江醴陵

富貴思草萊醴陵或未然閉骨幽泉裏流聲字字開芳
草詎同氣庶皆悅於魂

沈隱侯

隱侯四聲譜巧盡天地秘懺佛戒綺語餘事多所諱淇
園貞幹臣深恐愧斯義

陶隱居

嶺上多白雲雲上之仙風結茆古松下自闢華陽宮弟
子愛棲靜先生師葛洪

邱司空

天監頗愛才不罪永嘉守懷中數尺錦蔚然七裏手沈
詩與任筆方駕孰先後

任中丞

梁武霸府開驃騎主文翰交遊延廣譽三君比諸漢傷
哉葛帔兒家聲不克振

王左丞

備書通風誦誰如東海王含吐縹緗上晨鐙高檠張萬
卷遺子孫無須煩越裝

陸太常

佳哉蘭臺聚殷張皆勝流既有絕塵到復見黃中劉陸
生感知己翩翩鸞鳳儔

劉戶曹

孝標慕敬通慷慨輒自序晚居東陽山紫巖邱壑古聲
塵賸芬烈未隨魂魄去

王詹事

仲宣遇蔡邕元禮服沈約在陰占鶴鳴中心糜好爵何
以贈知音臨風采芍藥

劉秘書

秘書第一官當用第一人掌記屬東宮圖書冠樂賢彼
奚洛陽子河朔爭流傳

劉豫章

一麾守臨海四境稱翕然詎惟文譽著亦崇治行宣宏
麗金像碑習俗何必傳

劉庶子

三筆蕞蔚跂六詩流鏘鏗品藻先諸子知弟莫若兄
翩馳馬驅意興何縱橫

庾度支

夜賦八關齋高唱老病死咄咄不祥事亡命走學士他
時江南哀猶屬尚書子

何記室

作詩少而能佳哉何水曹枝橫卻月觀品格梅華高傾
心動嗟賞美彼忘年交

吳朝請

貧女無燈燭一朝奉至尊西施入吳宮舉國皆效顰不
見好事者詩體傳吳均

陳後主

黃鸝留不鳴後庭花早死蘭膏促芳夜世事亦如此風
細錦帆斜猶諷隋隄水

徐僕射

天上石麒麟人間五色鳳獻策舉將才白簡導官從豈
惟玉臺文好事爭傳頌

沈侍中

上表通天臺誠心感靈夢北都獨閉門隱抱斯文痛懔
慨知命年猶獲當世用

江令君

內殿賦新詩千金買一笑羅衲忽煙雲白首堪憑弔縱
然晤攝山何如就靈曜

張散騎

幽桂無斜影深松有勁風
匡山招白鶴避地會仙宮
當時文會友零落侯司空

高令公

黃頭慕文子天子呼令公
則知名世才外照山黃中
崔公亦茂勤陰害貽厥宗

溫侍讀

魏有溫郎中才藻大可畏
流傳吐谷渾牀頭高位置
絕筆神武侯敝襦竟同棄

邢特進

霖雨閱漢書三日略遍記此才豈雕蟲執筆樹閣議嗤
彼讀書思校讎乃徒事

魏特進

弄戟鋒不銛板牀銳頓滅槃槃富逸才溫邢避走險所
惜穢史譏莫洗蘭臺玷

庾開府

子山位通顯屬懷仍故土詞賦動江關實爲少陵祖滕
王庶知言令狐乃敢侮

王司空

南士還舊都，裹信留不遣。
文筆相照耀，從容荷恩眄。
三復燕歌行，胡笳淚潸潸。

盧武陽

尋師得邢邵，索解慙劉松。
始知讀書益，感激成文雄。
遂令千載下，雅韻流孤鴻。

李懷州

騏驎世間物，公輔天上人。
回首雲陽宮，鮮卑語不聞。
冊魏勸晉后，毋乃乖德勳。

牛奇章

晉家山吏部魏世盧尚書取士先德行褒語非虛譽在
漢有叔孫議禮稱通儒

薛司隸

元卿富才學沈思入慘澹白頭還刺史焉用秘書監空
梁落燕泥傷哉昔昔鹽

仙屏書屋初集詩錄卷之五

宜黃 黃爵滋樹齋著

得趙道大封泉書

別時不見夏初雨往後相思春又花傳說馬飛鍾阜去
更聞颿轉巖湖斜與在幾弔魚龍窟中澤親經鴻鴈家
第五泉邊明月夜可能無事飲冰芽

豐臺卽事

索居歡命儔載尋豐臺里山翠逼車頭柳陰交馬尾出
邨花若雲入邨人如蟻鉦鼓瀟鳴雷輪轂滯流水息意

且還轅真觀得所止

晚香玉

異花若幽士楚楚自珍惜在開獨芳華當喧轉寂匿蜂
螿那得知躁人亦不識縹葉稍偏友素蕊交婉嬾有月
始麗秋無風亦韻夕種傳西土移名肇

聖人錫始知承

恩者不以中外域薰蕕在物情培覆見天則

丁亥七夕

人間莫歎歡娛短天上由來歲月長機石錦雲依舊好

可知元鬢未成霜

寄呈許渙生師三首

詰人愁遠猷年力貴未頽譬諸山中幹早效堂上材夫
子及

先朝揮手登蓬萊榮名冠唐李隆遇超漢枚九霄絕雲
霓八極隘埊垓則知毛羽豐亦由天骨恢豈不附青雲
使我增裴裒

昨者銜

帝命萬里復南池小子悵睽違不得仰鑒衡清心印珠

泉盛儀輝錦屏迢迢筆山節歷歷琴坡幘席王緇遺澤
正學昭日星古傲諒不遠今化實在型士習美恂謹夏
楚靜不鳴懸知芳杜洲千載爲延馨

名士不可爲虛聲誚飛蓬名臣不易爲實用資隆棟夫
子提其耳警切如洪鍾苟存利物志宜慎稽古功壯盛
誤轉曠俚嗟何從平生賴師友庶以開昏懵佳序眷
朱夏芙蓉弄薰風持獻夫子壽蒨蕙託微棕

趨化景賢祠圖卷爲楊焦兩大令題

鳴鶴集迴澤蟠虬潛幽淵山川清淑處往往招名賢徵

君既歸若嗣子亦儻然淵源奮師友輝映相後先主懷
風雨賦賓感琴瑟篇遂令片石地遙接蘇門巔李令昔
講習楊侯今管絃新芳薦蘋藻舊跡揮雲煙峩峩山上

石洌洌林間泉從教密人士流風懷千年

按景賢祠事
畧首容城徵

君孫奇逢次雄縣李封次登封耿介次上蔡張沐次定
興馬爾極耿極次滎州趙御家次杞縣馬之驥次徵君
幼子博雅次東阿李居易次密縣錢佳選居易密縣知
縣有政聲

讀五代史絕句二十首

倉皇執轡返神京五曲楊枝載道聲那識東都旋賜酺

唐家城闕已榛荆

午溝溝畔苦飄零一第當年誤五經獨有阿兄憐故里
酒酣歸看碭山青

指揮控鶴復何依建國樓頭慘夕暉他日洛陽有同穴
郭妃應媿賀王妃

國寶無端已入唐那堪莫晉與朝梁保鑾五百成何用
孤負當年王鐵鎗

鷓鴣兒軍至走黃巢第一勳名蓋代驍十萬沙陀天賜與
上源驛夜酒空澆

五歲奇兒膽不寒百年何用枉悲酸唐家一賜差堪報

鴻鴻后乘翡翠盤

夾寨夫人舊寵移笙歌魏國十年隨
可憐賣卜黃須丈
博得宮門一旦咎

兩州容易報儲陳袍帶偏教吝貴珍
可奈英雄夸天下
絳霄扶病更何人

竭忠建策竟何如斷送唐家飯一盂
和武居然有先識
不堪迴避埃姑夫

輝煌馬上白貂裘拚却寰瀛十六州
眼大兒郎那可恃
降書還向阿翁投

雲叟道遙泉石喧石卿底事費空言何如檢點書千卷
坐擁臨淄不出門

苑中鞬臂正調鷹不管樂城敵騎騰大劍橫磨空十萬
老臣費盡淚三升

都軍操刺信難量贊畫曾偕鐵硯桑何意沙陀遺部落
威名遂祖漢高皇

賜第教成怨府叢山陵寃獄起家僮史公齎粉蘇公避
索命由來是李崧

見說重瞳淚滂沱雕青天子信如何黃駝老死金銀廢

留得并汾地已多

宰相圍門雨不任
僂儻兒衆結同心
官家草草真無謂
眼看紙鳶宮裏沈

玉帶恩光及等倫
推功漢室有賢臣
危疑到此原非望
忍對太平宮裏人

侍中歿賜陝州莊
慘酷偏蒙厚道償
莫怨青哥無福分
天心早已屬龍岡

撓吳建策出東平
統一寰區志未成
不負永陵陵上土
可憐枉殺一孫晟

生民塗炭竟如斯
死事千秋實可悲
誰似當年長樂老
一生穩作帝王師

送張亨甫之鄭州

去夏君出都往視阿兄疾
送君西門外馬鳴酸不輟
北來已西風南歸又白雪
寒烏戀慈母桓山翼已折
嗟君遇未通出處無定轍
奔馳二萬里乃若旋一室
神物已暗驚人言豈足恤
天公信厚君迫使鍊詩骨
豈慕貨殖賢幸乞扁鵲術
惜無白髮兄爲君作生日

六月二十四日招諸君小集十刹海分韻得調字

鳳城歲歲荷花嬌
往者看花人寂寥
調癸未今年爲花
作生日新雨
舊雨歡相邀
夕照穿花水痕立
微颺盪水
花光搖小闌
一角瞰花海
暝靄沈沈低
壓橋醉尋蕭寺
假僧榻登樓
待客還清朝
清朝碧霧覆
淥水豔若龍女
施明綃
裴徊展出水
心鏡珊瑚朵朵
撐雲翹湖頭
百轉足流盼
風前一笑偏
難調酒闌人
倦未肯去
赤日忘卻
紅輪燒
昨宵清夢已
無迹
何況舊遊
嗟幻泡
雅繪儻能
駐風月
新詩紛已
投瓊瑤
主人別花
惜別客
秋光回首

江南橈

次日余奉
命典江南試

驛館與仰山前輩談河間古蹟四首

漫水斜陽去路遲
金沙嶺畔暮蟬嘶
九十九淀秋光徧
莫問當年子貢陂

萬春山色古娉婷
曾照賢王汗簡青
一自桃花零落盡
誰從瀛海訪遺馨

廣川寂寞董家里
雲蓋蕭條賈島村
獨有風流未衰歇
文章千古好重論

荒原落日挂紅鉏
不見將軍細柳營
萬縷千條迷古驛
蕭蕭去馬向秋鳴

雨後抵高唐州

昨夜月浸幌清朝雲墮衣涼陰初作態
炎暑忽銷威野水生煙綠田花洗露緋
高唐山畔路蟬噪入霏微

東阿道中望魚山

陳思鬱東藩聲情動慷慨不見洛水神
但聞魚山嘒夕陽枕西欄明月衍東砦
山光照清河靄靄煙波外

孟廟

故里仍鄒舊巍祠自宋新齊梁悲往轍
堯舜望斯人地闢靈泉遠天垂古檜
春重期仰遺像日月耀貞珉

滕文公祠

昔聞間齊楚，最爾此滕都。
問禮勤賢傅，行仁勉大夫。
山遙空落鳳，祠古但啼烏。
何處上宮館，斜陽慘綠蕪。

徐州渡河

山色莽無際，河橫天上流。
漲痕潛落岸，溜勢急吞舟。
郭樹沈隄外，人煙散渡頭。
歸鴉向何處，夕照滿黃樓。

銅山道中河隄曉望

河湖爭萬壑，觸目憫林蒸。
高岸霖成潦，低田草沒塍。
地窮宣洩使，戶渺蓋藏能。
號鴈盈中澤，秋風盼巖登。

不寐

不寐貪露坐袒裼乘夜涼
茆檐鬱餘暑敲雲蔽星光
千役二千里葭菱猶未霜
淪淪河流盛滔滔淮波揚
涇潦乏宣洩一葦周道航
雞鳴視河漢明發增傍徨

浮雲逐日高飛雨挾風迅
平流百尺勸連檣不敢進
稻田湧作湖澎湃杳無畔
已見炊煙稀徒歎轍跡斷
激激水中魚喋喋枝頭鶴
此邦稱淳俗流亡豈習慣

鳳陽流民吾江

右常有之遂有以爲風習使然者
誰尋鄭公陂莫問夏侯堰
兩日滯臨淮媿飽船家飯

清流關

勢壓磨盤雄天河俯瞰中
澗風秋咽角嶺月曉懸弓
虛埃人煙合危橋驛騎通
香泉儲萬斛欲問醉鄉翁

紅心驛

我家江南西千里不得達
道逢還鄉人晨夕望邗發
驛右君車脂驛左我馬秣
垂柳各東西不得相采掇
五更雞鳴時起視斜漢
月月自西江來照我高堂
髮堂高語明月照我向
北闕明月不可梯
夢魂兩飛越

濠梁驛

日落市闌靜雲散濠梁空
流水逝終古遐哉莊惠風
秋水蒹葭中澤號鴈鴻
修鱗戀淺渚不隨淮海東
荇藻雖云樂網罟嗟何窮
不見濠梁上鵠立皆漁翁

至德州懷徐東松暨盧魏二生

瀟絡有二生知我徐夫子
飢寒不暇顧苦欲學詩史
夫子寄我書八月章江涘
答君何遲遲月冷魚山水
文章出有神光怪豈不偉
孰云草莽間終老巖穴士
河流尚未冰思君對鮮鯉
吾徒孰升沈消息無寸紙

已丑三月二十八日偕徐廉峰前輩招渠同人江

亭餞春分韻得復字

西山接大行北海環上谷旣靈塵土襟亦傲英雄轂茸
茸雨後葩蒼蒼煙際嫩春來一何遲春去一何速送春
鳳城西孤亭縱遐矚有酒爲誰酌君子美如玉新知神
所契舊侶歡亦續但愁轉瞬間春雲散芳躅東南好山
水靈奇媚幽獨何當謝勞生釣遊同往復

閱盧籟亭紅竹山房詩草題其卷端卽送南歸竝

寄澹谿諸子

十年南北別聚首歎無媒爾獨吾軍壯三千里外來故
山幾朋輩相述且銜盃又向雲林去新詩對月裁

神木歌

東府城空王氣摧萬歲山前宮殿開大木參天工失裁
無用爲用神驅來置之東門象出震觀者戔戔訖山峻
雷轟電裂百怪避臥理坤維作雄鎮中空外廓如枯槎
剝落蘚石嵌風沙白晝茫茫蒼海立老龍睽矐靈蛟掣
君不見有明中葉貂璫燭西山土木誅鋤遍又不見潢
池兵燹肆毒痛蜀山碧血明社墟滄桑閱盡惟神木回

仙居書卷
首蒼涼泣馬湖

題徐健菴尚書遂園修禊圖

昔在康熙際鼎門鬱崑山槐廳盞載筆棣萼昌且繁卓
犖尚書公聲華馥苾葳修書洞庭罷泉石餘蕭閒良辰
值元巳禊飲開名園招邀青雲侶談笑追古歡朱絃韻
松鏘淙醴延蘋灣圖成辨主客詩就庠箠墮因歎玉內
史俯仰嗟時屯蘭亭兩載後乃聞誓墓言何如

盛明世解組歸邱樊

朝端俊秀攬林下耆英攀鹿城何隱隱茜涇流潺湲颯

流方不沫以屬名家孫

己丑六月同人約爲歐陽文忠黃文節二公作生

日文忠生景德丁未六月二十一日
文節生慶曆乙酉六月十二日遂於十六

日招集後門外海子上看花卽修前約分韻得

十二錫

嗚呼青原之峰久寥闕黃龍之泉亦幽寂宋社滄桑七
百年二公隆隆若寶鬲昌黎才起八代衰少陵氣屈萬
人敵嗚呼二公乃以文章傳天使羣愚肆騰焱屏跡西
湖豈守箕傷心百粵同投汨六月旣望慶雲纒晴湖萬

花光歷歷靈辰宛其瑞蓮生清酒齊將玉船滌平山堂
前花月寬落星寺外江湖逸二公生世尚不謀茫茫千
載渺何覩小子曷敢桑梓私諸君各仰典型錫儻因嗜
古得性情何異拈花絕辨析君不聞此地昔日李西涯
煙雲俱養花四壁玉河泠泠響漣滴匹馬幽期何處覓
本李文招魂我欲呼巫覡
正詩意

松筠菴謁楊忠愍遺像

忠愍昔穉齡牧牛試艱苦志遂身竟危赤血灑黃土往
事三百年生氣凜猶覩福堂絕筆書惓惓及兒女就養

何從容成仁聖所與彎弓射浮雲於天究何補作鑑炯
千秋自分甘鎖斧載拜謁公祠芹蕙芳在俎誰憐聽雨
樓妖狐快寢處

送湯茗孫中翰歸臨川

赤日鼓風輪火雲忽墮水暑極涼漸生人事亦如此行
藏無顯晦禍福有伏倚受正葆厥軀持循在君子槃槃
中翰才早擅鳳池矣比歲春明居交攀最密邇老成多
彫喪後進鮮繼起復茲謝病歸使我感桑梓白髮方倚
閭瞻望慰陟岵山中有芝朮食之可延紀想因潘岳開

頓悟嵇康旨何日重論文西山粲石齒

哭長女蘭吹三首

涼秋九月初悲風颯然至吾女甫二十奄忽遽云逝前
年爾母來俾爾適爾壻聞爾送母時臨風慘揮淚詎知
一爲別母女成隔世嗟爾爲吾女十載五異地不如足
殺翁父子常歡萃爾嫁吾不聞爾病吾未視吾於爾何
疎天於爾何忘何時能再來全吾骨肉惠十指不齊長
秀實豈一致輾轉腸九迴永夜情無寐

爾昔隨爾母從我居瀘陽摻手折桂枝丫髻簪海棠逾

年始八齡別母摧心腸歸侍曾祖母柔慧歡在旁及爾
母旋日爾已工蕙纒頗能戒非儀謂可事尊章胡爲倏
奄歿嗟爾命不長八月音未達七月爾已亡

爾病瘳出門促裝聞懇款懷中赤嬰女呱呱始懶浣瘡
鬼怪忽纏星度驚遂剗瘳歸視爾斂雙淚流潛潛生者
慎莫傷死者幸無憊堅壁有時碎韌絲有時斷所嗟電
火徂不少須與緩爾魂何處招爾命亦已短不如秋後
花經霜猶在服